

# CYLCHLYTHYR

## FFÊS 2



### Cyngor Ysgol

Mae Cyngor Ysgol FfêS 2 wedi bod yn parhau gyda'u gwaith yn ystod yr hanner tymor cyntaf ac wedi cynnal dau gyfarfod ar-lein. Cawsom gyfle i drafod llwyddiannau dysgu ar-lein Ysgol Bro Idris a chasglu syniadau ar sut i ddatblygu hyn ymhellach. Gwylwch allan am holiadur!

### Cyngor Iaith

Trefnodd y Cyngor iaith gystadleuaeth sgwennu stori y tymor hwn i holl ddisgyblion yr ysgol. ac mae cynlluniau cyffrous ar y gweill i gyhoeddi Cylichgrawn Ysgol cyn diwedd y flwyddyn. Byddwch yn barod hefyd am ein gweithgareddau Dydd Gwyl Dewi.

### Dyddiadau Allweddol

01/03/21 - Dydd Gwyl Dewi

05 - 14/03/21: Wythnos Wyddoniaeth y DU

26/3/21: Adroddiadau interim i bawb

26/3/21: HMS

(dim ysgol na gwersi ar-lein i'r disgyblion)


29/3/21 - 9/3/21: Gwyliau'r Pasg

31/5/21 - 4/6/21: Hanner Tymor

19/7/21: Gwyliau'r Haf

### Cystadleuaeth Crempog

Cofiwch am gystadleuaeth yr adran Dechnoleg sef coginio ac addurno crempog wythnos nesaf! Cewch farciau am greadigrwydd ac arddangos amrywiaeth o sgiliau megis cymysgu, torri a chyflwyno. Cofiwch roi llun o'r crempog ar Google Classroom erbyn Chwefror 18. Pob lwc i bawb!



### Her Celf Mrs Lloyd

Bydd Mrs Lloyd yn gosod her Celf ar gyfer disgyblion blwyddyn 3 - 6 bob prynhawn Dydd Mercher am 13:30.

Dewch i'r sesiwn Teams i weld beth fydd yr her! Bydd fideo yn cael ei rannu i'ch helpu chi. Dyma fideo yr wythnos yma:



### Sesiynau Eon

Diolch anferth i bawb sydd wedi bod yn ymuno â sesiynau CA2 Eon. Dywed Eon mair record yw **04** o ddisgyblion mewn 1 sesiwn ac ei fod eisiau torrîr record cyn gynted â phosib! Pob Dydd Mawrth am 13:30.



### Dolgellau i Doha

Mae'r app 'Strava' wedi bod yn gweithio'n galed iawn dros yr wythnosau diwethaf gyda nifer o rieni, disgyblion, athrawon, cymorthyddion a glanhawyr yn tracio'r holl filltiroedd maent wedi cerdded pob dydd i gyrraedd ein nod o gyrraedd Qatar. Llongyfarchiadau mawr i bawb wnaeth gymryd rhan, rydym wedi cyrraedd Doha gydag 1 diwrnod i sbario. Byddwn yn anelu am Cape Town, De Affrica hanner tymor nesaf!

### Nosweithiau Rhieni

Newyddion cyffrous i athrawon, rhieni a disgyblion - mae'r ysgol wedi buddsoddi yn 'School Cloud'. Bydd 'School Cloud' yn ein galluogi i gynnal nosweithiau rhieni ar-lein. Mae'r wefan yn galluogi rhieni i wneud apwyntiadau gydag athrawon ar amser cyfleus, yn atgoffa rhieni o'r amseroedd hyn ac yn eu gosod ar amserlen ar gyfer y noson. Ar y noson, bydd rhieni ac athrawon yn gallu gweld a chlywed ei gilydd dros y sgrîn. Gobeithiwn yn fawr y bydd hyn yn fodd effeithiol o gyfathrebu gyda rhieni a thrafod cynnydd ein disgyblion. Mi fydd dyddiadau i ddilyn.

### Pwyntiau Cyswllt FfêS 2

Mewn cyfnod mor anodd a digynsail, cofiwch ein bod yma i gefnogi pob rhiant a disgybl. Os ydych yn awyddus i drafod unrhyw fater mae croeso i chi gysylltu gyda ni.

#### Pennaeth Cynorthwyd FfêS 2

Mr Steffan Rhys Nutting

#### Anogwr Dysgu Safonau a Lles FfêS 2

Mrs Nia Davies

